

續修四庫全書



《續修四庫全書》編纂委員會編

續修四庫全書

上海古籍出版社

三〇五・史部・別史類

弘簡錄二百五十四卷(卷四十至卷九十九)

〔明〕邵經邦撰

2205/05

弘簡錄二

〔明〕邵經邦撰

據復旦大學圖書館藏清康熙二十七年邵遠平刻本影印原書版
框高二〇七毫米寬二九六毫米

弘簡錄卷四十

明刑部員外郎仁和邵經邦弘濟學

皇清翰林院侍講學士四世孫遠平校閱

庶官 唐六之一 文吏

丘和 李大亮 兄子 皇甫無逸 李襲志 弟 裴仁壽

陳君賓 張允濟 李桐客 薛大鼎 子 克賈敦頤 弟 敦實

田仁會 子 歸韋機 孫 楊元琰 子 楊瑒 孫 裴懷古

姜師度 張 尹思貞 李傑 鄭惟忠 許景先

潘好禮 倪若水 韋恒 弟 李惠登 蕭定

崔華 孫成 羅珣 子 薛珏 子 裴向

韋丹 高祖 崔戎 子 馬摠 薛戎 閻濟美

弘簡錄 卷之四十

薛萃 子 盧弘宣 何易于

丘和洛陽人徙家于郡父壽魏鎮東將軍和少重氣俠聞弓馬長乃折節自負與物無忤凡貴賤皆愛之仕周至開府儀同三司入隋為右武衛將軍封平城郡公歷資業蒲三州刺史以寬惠著名坐漢王諒反潛師入蒲廢免附宇文述復拜代州刺史善撫吏士咸得其心煬帝北巡悅其饋獻精膳擢博陵太守由是所過競為珍獻復遷天水郡入為左禦衛將軍大業末裴矩薦為交趾太守撫接羣境遠近安之時寧長真舉鬱林附蕭就馮盎舉珠崖番禺附林士弘各遣使招和皆不從執利其珍寶命長真率百越之衆渡海侵和遣長史高士廉率交愛首領擊走之郡為樹石勒功會附驍果自江都來報知隋亡陳叔歸時嶺嶠閉汨權附于鈺鈺平始得歸詔使李道格授以交州

大總管薛暉國公俄遣士廉奉表請入朝詔其子師利往迎及謁見高祖為興引入臥內語平生歡甚宴享之日奏九部樂除左武侯大將軍和時已老以復州故鄉除特進令為刺史以自養卒年八十六贈荊州總管諡曰襄陪葬獻陵

李大亮隴西著姓徙雍州涇陽曾祖瑛後魏度支尚書祖綱南岐州刺史父充節隋初州總管封武陽公大亮少有文武才略隋末署龍王行軍兵曹與李密戰敗被禽賊將張霸吳之獨得釋義師入關遂自拔歸授土門令方歲饑多盜為招亡散撫貧瘠勸墾田歲以大稔開山擊盜所至輒平秦王巡北境下書獎勞賜馬與帛賈之北寇大至度不能拒單騎諒論曉禽帥為分別禍福相率感服來降擢金州總管府司馬王弘烈據襄陽詔安撫樊鄧因經略下十餘城遷安州刺史復徇廣州至九江

弘簡錄 卷之四十

遇輔公祏反以計禽其將張善安公祏方圍歙州刺史左難當固守大亮率兵擊走之遷越州都督貞觀初徙交州封武陽縣男召授太府卿復都督涼州有惠政詔使索名鷹表言陛下久絕政教今使者至此果出陛下意乃乖昔言如其禮求益加以罪帝報書宜守此誠始終如一賜以荷悅漢紀言其論議深博極為政之體宜加玩味大亮又上言欲綏遠必先篤近中國天下本根四裔猶枝葉也頃突厥傾國來朝陛下加賜袍帶綈帛悉拜以官引處內地豈久安計哉今伊吾雖臣遠在荒服臣以為諸藩請附者但羈縻之使在塞外謂之荒服臣而不內所謂行虛惠收實福胡河西費州州縣蕭條加以隋亂殘耗已甚臣愚願停招慰省勞役使邊人得就農畝此中國利也帝納其言八年為劍南道巡省大使激揚清濁甚獲時譽會討吐谷渾

爲河東道行軍總管與李靖俱出北道涉青海觀河源遇敵於
蜀渾山大戰破之俘其名王獲雜畜數萬而還進爵爲公入拜
右衛大將軍工部尚書晉王昇儲兼太子右衛率又居三職宿
衛兩宮其見親信幸洛陽副房玄齡居守稱其可倚大事俄衰
疾帝親和藥驛賜之臨終表請罷遣東役願留意關中及京師
根本重地時年五十九帝慟哭贈兵部尚書秦州都督諡曰懿
賸葬昭陵爲人性忠謹外若不能言而內剛烈不可干以非義
對天子爭是非語無回撓事兄嫂以禮待妻子無情容宗族有
不能葬并孤貧者爲瘞養之雖位通顯未嘗營第初破公麻賜
奴婢百口縱遣之後破吐谷渾復賜奴婢百五十口悉遣親戚
每思張弼脫死之恩圖有以報弼隱而不見一日議諸塗持之
弟泣悉推家財拒而不受奏授以已官爲遷弼中郎將轉
弘簡錄 卷之四十一 王 宣 官 一

代州都督世皆賢大亮能報而多歸不自伐也歿後所有孤爲
行服如所親者十餘人兄子道裕貞觀末爲將作少匠同百官
議張亮反皆言亮當誅獨道裕謂反形未具帝怒不暇省斬之
後悔遇宰相推用刑部侍郎帝猶思前言遂以命之後終大理
卿
皇甫無逸字仁儉安定著姓徙京兆萬年父誕隋并州司馬以
不從漢王諒反被殺煬帝嘉其忠節特贈柱國弘義郡公封無
逸平輿侯歷涪陽太守以治最遷右武衛將軍帝幸江都詔居
守洛陽既被執與段達元文都立越王侗王世充復篡誓不同
逆棄母與妻斬關自歸高祖尊其勳舊厚遇之拜刑部尚書封
滑國公歷陝東道行臺兼御史大夫時益部漸定吏多橫恣人
不聊生詔持節巡撫得承制除吏既至宣揚德化法令嚴肅黜

貪暴用廉善蜀人以安有儉人皇甫希仁嫉其專制方面上變
言爲母在長安陰交世充帝審其詐斬之遺給事中李公昌馳
往慰諭又言其交通蕭銑罪坐告者復與行臺實璉不協上表
自理并劾璉罪詣劉世龍溫彥博往按無狀璉坐黜還日太宗
勞以當官執法無所迴避比多譴毀正坐此爾無逸頓首謝即
拜民部尚書俄除同州刺史徙益州長史益州清慎所至閉閣
不通賓客凡有所須輒市他境每上表疏過於長葛讀之數四
猶懼未審素性孝謹聞母病甚憂悸得疾亟馳驛召還遂卒于
道贈禮部尚書諡曰良孫忠開元中爲衛尉卿

李襲志字重光本隴西狄道人五世祖景遷地金州安康祖遷
皆周信州總管封安康郡公父敬猷襲封爲隋台州刺史襲志
初任始安郡丞隋末盜起傾私產募士三千乘城拒盜蕭銑林
弘簡錄 卷之四十一 四 宣 官 一

士弘屢攻之不下開陽帝喪與士民縞素三日或說以據嶺表
取百粵不從固守始安凡二年力窮援絕爲銑所陷僞署工部
尚書桂州總管武德初高祖命其子玄嗣資書往招密約嶺南
酋隨永平郡守李光虔奉表歸國帝復書諭以宗黨不同異姓
宜及子弟並預屬籍既而銑平江南道大使孝恭承制授桂州
總管五年來朝進桂國封始安郡公久之拜江州都督討輔公
祚爲水軍總管轉桂州都督在職二十八年政尚清省南荒便
之表請入朝加光祿大夫復授汾州刺史致仕卒子懷儼以文
才著名歷蘭臺禮部侍郎弟襲譽字茂實少通敏有識度隋
末爲冠軍府司兵值三輔盜起請於留守陰世師以兵據永豐
倉發粟賑窮乏出庫物賞戰士馳檄郡縣其逐捕賊世師不從
乃求出募山南兵至漢中高祖已定長安召授太府少卿封安

康郡公伐王世充拜潯州總管委典選以假東軍權楊州長史充江南巡察大使多所黜陟又引雷陵水築勾城塘溉田八百頃以盡地利民多歸本名爲太府卿爲人性嚴整所至以威肅聞居家儉素祿原隨散宗親以餘資爲書數致空乏嘗謂子孫吾性不喜財然附京有賜田十頃河內有賜桑千樹事之可足衣食所蓄書千卷力勤可求宦達爾曹勉之無資於人遷涼州都督改同州刺史卒撰五經妙言四十卷江東記三十卷忠孝圖二十卷行于世

韋仁壽萬年人隋末爲蜀郡司法斷獄平恕人受罪死亦無所恨義旗起遣使者徇巴蜀承制擢爲州都督府長史治理有激會南寧州納款以地荒遠每苦安撫使貪吝復叛去高祖聞仁壽名詔權南寧都督寄治越嶲一按行慰勞將兵五百至西

弘簡錄

卷之四十一

五

唐書

洱河開地數千里置八州十七縣使商豪爲牧宰威令清肅簡而不煩人人安悅將還酋長泣留曰天子藉公鎮撫奈何去我仁壽以池壁未立爲解諸酋相率築城起解南旬略其乃告以實曰吾奉詔第撫循庸敢擅移父老復悲帝祖行遣子弟隨貢方物上大悅乃請徙治其城假兵鎮守詔聽以便宜鄭重其事爲寶執所阻托以中山徐反未遑遠略留歲餘病卒陳君賓陳郡陽王伯山子仕隋爲襄國通守武德初尋郡聽命封東陽郡公遷那州刺史貞觀初徙鄧州時承喪亂後百姓流徙乃加意勞徠不替月皆還自業遇四方肅清獨所治境內有年倉儲充羨隣州蒲虞之民咸來就食遷相安養回還之日各有麻糧乃別賞布帛以仲贈遺上方留意民事深懲隋末喪亂州里蕭條嘗曰與我共治者其惟良二千石乎因下詔褒美其

官爲支配得所並令考司錄爲功最即名君賓入爲太府少卿轉少府監坐事免起爲虔州刺史卒

張允濟青州北海人仕隋爲武陽令務以德教訓下百姓懷之與元武接壤民間共名有犂牛依于鄰家久將分異索所犂犂婦家不承詣允濟訴却曰若自有令吾何與焉民泣言令不能決懇求其判語以無難令左右蒙民有假作告者給婦家云盜其牛婦家爭曰吾豈盜牛者此牛乃將家犂所生即撤蒙民乃服罪又道旁老姥亡所犂慈教令還舍給言神降靈名男女至其所言神怒輩盜者懼而掩口遂正其罰由是道不拾遺有行人夜遺衣鞋行十餘里還而取之觀察使舉政尤異遷高陽郡丞攝郡事下皆畏悅賊帥王須拔攻郡糧屈民食視葉葉節終無叛意貞觀初累遷刑部侍郎封武城縣男終南州刺史

弘簡錄

卷之四十一

六

唐書

李桐客冀州衡水人仕隋爲門下錄事場帝召羣臣謀徙都丹陽左右希意皆謂江左望幸且久若遷吳會復舊跡甚善然桐客獨謂江南卑濕地且狹隘不足以奉萬乘給三軍今時人力又屈無以堪命且踰越險阻非社稷之福御史劾以謗毀僅而獲免俄爲字文化及所賜將至黎陽陷寶建德賊平投秦王府法曹參軍貞觀初累爲通巴二州刺史肅政清平所至有名民呼慈父後卒於家薛大鼎字重臣蒲州汾陰人祖善周太子少傅薛平公父粹隋介州長史坐漢王諒黨被誅大鼎流辰州用戰功得還義師初興謁見龍門授大將軍府察非據出爲山南道副大使開屯田以資倉庫趙郡王孝恭討輔公祏引爲饒州道軍師將兵渡彭蠡湖破敵有功遷涪州刺史貞觀初徙涪州州擅魚鹽爲開

廢無根渠屬之海商賈流行里民歌曰新溝通舟楫利屬沿海
漁鹽至昔徒行今騎驄美哉薛公德游被州界卑下又疏長蘆
漳衡三渠分泄汙潦水不為害與瀛州鄭德皆有治名永徽中
遷銀青光祿大夫行荊州大都督長史卒諡曰恭子克構有器
識永隆初歷戶部郎中嘗沮族人紹尚太平公主官室有傲婦
善士所惡夫惟淑德以配君子無患可矣紹卒被誅又論陳思
忠有父喪以晨日不見弔客夫親在避兼尚可既孤矣何嫌哭
泣世服其知言弟克勤歷司農少卿

賈敦願曹州冤句人先任滄州在職嚴潔入朝敕車駑馬道上
不知其刺史也遷洛州司馬以公累下獄太宗特賞之徙瀛州
州濱滄沱河每歲泛溢壞室廬數百里奏立隄堰水不能
暴百姓利之永徽中遷洛州長史舉茂豪右占田踰制盡賦貧
弘簡錄卷之四十

民凡三千餘頃發姦擒伏下無能欺俄卒于官時弟敦實為饒
陽令治尚清靜吏民嘉美咸亨初亦為洛州長史政寬惠人心
懷向值洛陽令楊德幹酷烈殺人立威論止之曰政在養人傷
生過多雖能不足貴德幹聞之更為衰減入除太子右庶子洛
人多其治行相高為立石頌德號棠棣碑轉刺懷州美蹟不滅
永淳初致仕卒年九十餘子膺福左散騎常侍昭文館學士德
幹後歷澤潞相四州刺史子神讓坐徐敬業伏誅
田仁會長安人祖軌附幽州刺史爵信都郡公父弘襲封至陵
州刺史仁會武德中擢制舉仕累左武侯中郎將征遼東與執
失思力共敗遼將薛延陀延北數百里璽書嘉獎永徽中為平
州刺史勸學務農稱為善政轉郢州屬歲旱自暴以祈大雨隨
至穀反倍登百姓歌曰父母育我田使君提精誠兮上天聞中

田致雨山出雲倉庫實今禮義申願君常在不思貧五遷勝州
都督境有夙賊依山剽掠發騎捕格殲之城門夜開道無寇跡
入除太府少卿麟德二年遷右金吾將軍聖曆疾惡晝夜巡行
自宮城至衙路微蠹必發効徒女巫蔡氏於邊人無貴賤舉長
悍之總章二年遷太常卿咸亨初轉右衛將軍年老乞骸卒年
七十八贈戶部尚書諡曰威子歸道明經及弟累擢通事舍
人內供奉左衛將軍時突厥默啜背恩積年悔過入朝武后詔
攝司賓卿往勞因請六胡州及都護府地不得默啜怨望執留
將害之色不為變且陳禍福突厥悔悟會有詔賜以粟段農器
且許結婚乃更以禮遣歸既還具陳默啜不臣狀請備邊郡已
而果反擢為夏官侍郎益親信遷左金吾將軍司膳卿封原國
公抑干騎宿衛立武門以不豫誅二張免還私第中宗拜太僕

弘簡錄卷之四十

少卿遷中少監復任金吾卒贈輔國大將軍諡曰烈子賓庭
開元時至光祿卿
韋機萬年人祖元禮附沂州刺史父恪洛州別駕機貞觀中為
左千牛衛曹充使往西突厥開立同俄設為可汗會石國反叛
路絕不得歸歸裂裳裹所經諸國風俗物產名西征記還獻太宗
大悅擢朝散大夫遷殿中監顯慶中為檀州刺史遷州素無學
校致勸生徒創立孔廟圖七十二子及自古賢達皆為贊述郡
人大化會計高麗供備不乏高宗以為能起拜司農少卿兼知
東都管田甚見委遇有宦者犯法奏杖之賞以紉疋上元中遷
司農卿檢校園苑造上陽宮并移中橋徙立德坊於長夏門時
人稱其省功便事道士朱欽遂所為橫恣機囚之武后不悅坐
免永淳中高宗幸東都白衣領職復拜少卿卒子餘慶官至右

號衛兵曹孫岳亦以吏幹著名武后時累轉汝州司馬幸長安
召拜尚舍奉御從駕還京因召見賞慰良久尋作旨左遷宋州
長史歷海州二州刺史所在恩威並施著聲時府宗名爲殿中
少監甚承恩顧姜皎陷之復貶渠州別駕遷陝州刺史卒 會
孫景駿中明經神龍中爲肥鄉令人苦漳水泛溢溝渠迫近雖
數修舊堤漂流相繼乃容度地勢拓南數里因高障水循隄而
去悉以無患凡樂臨沮御盡爲良田人稱神明舊有長橋年患
修葺改爲浮橋功省費約遂爲成規至今賴焉時河北饑躬撫
令境通其贍恤村閭貧弱咸免流亡去日民立碑頌德開元中
移貴鄉令自母子相訟景駿告以少孤見人養親輒自恨終天
汝幸有母在何至是錫類不行令之罪也因垂泣嗚咽仍取孝
經付令習讀於是母子感悟各請改悔遂稱慈孝累轉趙州長
史路由肥鄉人爭竊餽賂連經日後遷房州刺史州窮險有蠻
貊風無學校好淫祀既至始立貢舉作興諸生通監道作傳舍
罷祠祀無名者治民惟取其便終奉天令與清漳令馮元淑臨
洛令楊茂謙齊名 茂謙權制舉授左拾遺內供奉爲吏介而
勤歷秘書郎遷大理正左臺御史中丞開元初出爲魏州刺史
河北道按察使終桂廣二州都督 元淑再歷後漢始平二縣
皆單騎赴任未嘗以妻子之官奴僕每日一食俸錢之餘以給
資士中宗遭書勢勉令史官編其事跡終祠部郎中
蔣儼常州義興人擢明經爲右屯衛兵曹參軍太宗將伐高麗
儼奮然請行莫難支困之以兵脅降不屈內宿室中平後始得
歸帝奇其節授朝散大夫爲幽州司馬有善政巡察使劉祥道
表其最狀擢會州刺史遷殿中少監數陳時政利病高宗優納

弘簡錄

卷之四十一

九

唐書

進蒲州刺史戶產充夥犴獄堆積至卽發隱禁號良二千石
永隆二年以老致仕未幾起爲太子右衛副率嘗辦論裴炎心
非反逆中宗在東宮又數爭過失俱不納用時方尊禮處士田
游殷以爲太子洗馬儼論書責之曰太子年方鼎盛聖道有所
未盡足下受命調護居有言責唯唯悠悠不一談向使不養
王粟僕何敢議今祿及親矣尚何酬寒游農愧不能答儼尋權
太常卿文明中轉右衛大將軍封義興縣子以太子詹事致仕
卒年七十八贈禮部尚書有文集五卷
裴懷古壽春人姿素魁梧儀鳳中上書補下邳簿遷監察御史
諫爲姚崇道懷斬使申明誅賞叛者曰歸廷縛首惡安定南方
蠻人立石著功叩闕願爲鎮守以疾辭免恒州浮屠爲其徒誣
告武后大怒卒爲申解會闕知微使張戛命監其軍欲降之不
弘簡錄 卷之四十一 唐書

肯囚于軍中得間亡歸宛轉山谷健建并州名入遷祠部員外
郎轉司封郎中出爲桂州都督時始安賊歐陽倩衆數萬剽沒
州縣命兼招慰討擊使未踰嶺先遣以書開諭禍福賊遂迎降
自訴爲吏所侵懷古知其誠輕騎赴之至壁撫諭倩等大嘉悉
歸所掠出降諸洞率連根赴素翻覆者亦降 贊外平徙相州刺
史并州長史所至吏民懷愛神龍中召爲左羽林大將軍并人
攜扶老稚不忍捨詔復原任俄轉兩州都督終左威衛大將軍
爲人清介嘗恨馭士信臨財廉爲國名將
楊元琰字溫我州閬鄉人漢太尉震遠裔隋禮部尚書希曾孫
生數歲未言相者以爲神定後必大發及長秀眉美髯崇肩博
頤以器局見稱居父喪七日不食服除補梓州參軍遷平棘令
謀政第一受御史旌延載初璽書褒薦承寧軍副使遷安南

副都護歷新蒲管魏宣許六州刺史涼梁荆三府長史前後清
白九度陞進成有風績長安中張柬之代爲荊州泛江私語革
命及諸武擅權之狀元琰悲涕慷慨志在王室柬之執政引爲
右羽林將軍語以江上之言授任非細卽定計策功成進雲麾
將軍封弘農郡公實封戶五百賜鐵券覺三思構禍悉還官封
請視髮事浮屠中宗不許敬服以爲戲言嘗曰功成身退此意
山崇豈空言哉及厭等皆得罪元琰獨全再遷衛尉卿加金紫
光祿大夫順追崇其親贈越州都督復坐善李多祚繫獄蕭至
忠救免之睿宗立四遷刑部尚書改封魏國公開元初拜太子
賓客詔設位東宮令太子拜俄致仕卒年七十九諡曰忠生平
無資留蓄中外食其家常數十人子仲昌字蔓幼通經爲修
文生以河陽尉對策玄宗擢第一授蒲州法曹參軍判入異等
弘簡錄 卷之四十一 主 官唐一

遷監察御史長于吏事坐累爲孝義令鸞降庭樹太守蕭恕表
其政徙下邳終吏部郎中御身以約常分父邑和賑宗黨善與
人交士庶樂從之游仲嗣密州刺史

而曰功成身退今古格言哉元琰厥舉鸞
楊瑒字瑤光高祖繼陳中書舍人以辭學擅名終交愛九州都
督封武康郡公陳亡由江左徙華陰曾祖林甫字衡卿爲柳城
太守至都督降隋高祖唐興率郡來歸授總管拜絳州刺史封
宜春郡公祖琮字孝璋爲上津令與秦王同里居武德初拜府
參軍兼車直內難平太宗賜懷昔賦申以恩意終沔綏二州刺
史瑒始爲麟游令實懷真監營金仙玉眞二觀徵發內有隱逆
人賞者斂以佐費瑒拒不受懷真怒其早末軌敢如此對曰所
論恐民冤抑不知計位高卑由是遂止初韋后表民二十二爲

丁限及敗有司尚趣其課執以庶人臨朝所革詔皆非一獨不
廢此乎亦止不課由是名顯擢累殿中侍御史開元中歷御史
中丞戶部侍郎帝用宇文融言御延英殿召宰執議天下戶版
場奏民間損益利病據理爭之帝雖容其言出爲華州刺史封太
山奏免樂工居喪者十六年入爲國子祭酒表涪州王迥質瀘
州尹子路經學優長德行純茂堪爲後生師範有詔授迥質諫
議大夫皇太子侍讀子路直弘文館皆有名又奏有司帖試明
經不質大義惟取年頭月尾孤經絕句且今習春秋三傳并儀
禮者十纔一二恐諸家遂廢諸樊孤學存大典其能通者稍加
優官從之因詔三傳儀禮出身者不任散官著爲令生徒爲立
額太學門又言唐興二監學徒虛費官廩博士空糜厚祿舉者
常千百選者十一二考功復限天下明經進士歲裁百人而流
弘簡錄 卷之四十一 主 官唐一

外及諸色仕者歲過二千比明經進士何啻十倍夫以胥史浮
虛之徒耗先王禮義非典服勤道業者習長較短今國家啓序
序廣化道將以有用而勸進之有司立限約反黜退之欲望俊
父在朝難矣帝然其言再遷大理卿以疾辭改左散騎常侍卒
年六十八贈戶部尚書諡曰貞居家能用古禮冠昏喪祭皆據
舊典爲之節文在官清白史請立石紀德辭曰但事益於人書
名史氏足矣若碑頌者徒遺後人作石耳耳伯父志操頗剛簡
未遇時著閑居賦自記位終司屬卿封平安縣男從兄晏精孝
經常手寫數十篇可教者輒遺之

解琬魏州元城人少應兩制科中舉調新政府轉成都丞奏事
稱旨屢除監察御史以喪免聖曆初遷侍御史安撫烏質勤及
十姓部落咸得其宜以功擢御史中丞兼北庭都護西城安撫

使宗楚客惡之左授滄州刺史為政務引大體部人願附景龍
中遷御史大夫兼朔方行軍總管前後乘邊積二十年務農習
戰多為長利內外安之景雲二年復為朔方大總管分遣隨軍
要籍官河陽丞張冠宗普安令于處忠等料三城兵省其戍十
萬改右武衛大將軍檢校晉州刺史賜爵濟南縣男乞骸加金
紫光祿大夫聖書勞問準品給以全祿會吐蕃擾邊復授左散
騎常侍詔與蕃定經界因諸將十姓降戶建言不可以信約請
調兵十萬屯秦渭間防遏其姦是冬吐蕃果入為秦渭兵擊走
之俄復請老不許遷太子賓客開元五年轉同州刺史年八十
餘卒

陽嶠北齊右僕射休之玄孫其先北平人徙洛陽儀鳳中應八
科舉調將陵尉累遷詹事司直長安中桓彥範袁恕已交薦擢
監察御史不樂搏擊以情白內史楊再思轉達其言彥範曰為
官擇人豈狗所樂惟不情願尤須任之以長難進之風抑躁進

之路陞右臺侍御史尋轉國子司業資性恭謹篤於好學素有
儒者之風喜誘勸後生時人以為善職奏修聖廟及講堂建碑
前庭以紀崇儒之事睿宗立拜尚書右丞出為魏州刺史歷州
州長史本道按察使所在以清白聞魏人詣闕勞耳請再臨其
郡復命治之尋遷國子祭酒封北平縣伯薦名儒尹知章范行
恭趙玄默為學官時學徒漸弛乃課率經業稍行鞭撻為人素
友弟撫孤姪與子均雖位方伯其心不改昔時一尉終老致仕
卒諡曰敬

宋慶禮涪州永平人擢明經補衡縣尉雅有方略武后詔桓彥
範行河北議斷居庸岳嶺五回等路以備突厥特召慶禮謀其

事深器重之俄遷大理評事充嶺南採訪使會崖振五州首領
更相侵掠荒俗不安前使輒以聲靈為辭莫敢往慶禮躬造其
境詢問風俗論以利害禍福首領皆相親由是安堵罷鎮
兵五千人歷監察殿中侍御史以習識邊事拜河東北度支營
田使稍遷貝州刺史初營州督府治柳城扼制奚契丹以前趙
文顯廢更治東瀋陽城開元中奚契丹款附帝欲復治故城
宋璟固爭不可慶禮獨陳其利詔與營事委師慶禮將軍節
宏統率士卒典役三旬而畢即以兼營州都督檢校御史中丞
開屯田八十餘所追復瀋陽瀋陽青巖戶還舊田宅招集商胡建
立即肆不數年倉廩充實居民蕃庶遂罷海運卒贈工部尚書

在邊三十年為政嚴明少私下吏畏威常不敢犯善騎射能日
馳數百里耐於勞苦然好典作演藝掘穿植兵議者嗤其不切
弘簡錄卷之四十一

於事太常博士張星議諡以專禮部張九齡申駁改諡曰敬
姜師度魏人擢明經調丹陵尉龍圖令有清白稱神龍初遷易
州刺史兼御史中丞河北道巡察度支營田使勤於政理綽有
巧思頗知疆域之利始斷溝於薊門以限奚契丹復循魏武故
迹並海鑿渠以通餉路可避海運之險且費省功多當時賴之
進銀青階累遷大理司農二卿開元初為陝州刺史故時太原
倉水陸所聚運者轉屬諸河然後登舟勞費不貲及是依高為
倉而注水於舟鑿地道自上注之便至水次所省萬計人不告
勞加太子詹事徙營州治柳城拜營田支度修築使使繕葺府
寺建為河中尹安邑鹽池久涸仍大發卒開拓疏決水道置為
鹽屯公私收利不貲徙同州刺史就古通靈陵派洛水灌朝邑
河西二縣開河收棄地二千頃為上田五十餘屯收穫萬計帝

辛長春宮嘉其功下詔褒美進金紫光祿大夫賜帛三百匹遷
府作大匠卒年七十餘生平好興作所至整漕築衛役紛紜不
能皆便然所就必為後世利與強循皆以吏幹知名 循字季
先鳳州人仕累雍州司士參軍華原無泉人畜多賜死循教人
築水浸田一方利之號強公渠詔書褒美歷大理少卿太子右
庶子至戶部侍郎為政辦給不為威嚴遇人盡信不疑然當時
恨其少文

尹思貞長安人明經擢第調隆州參軍按察晉安豪族蒲氏驚
肆不法適其姦賊論死部人稱頌刻碑以紀其事聲名遠播遷
明堂令以善政聞三遷殿中少監出為洛州刺史契丹孫萬榮
亂循撫境內獨無驚擾書褒美長安中七遷秋官侍郎忤張
昌宗復刺定州轉晉州名授司府少卿會卿侯知一專屬威嚴
弘簡錄 卷之四十一

史為語曰不畏侯卿杖祗畏尹卿筆俄加銀青光祿大夫神龍
初擢大理卿駁章月將罪死得流嶺南復固爭三思諷所司加
法殺之御史大夫李承嘉希意以他事劾思貞再守青州治有
異績蠶至一歲四熟黜陟使路敬潛表其善政致祥曆宗召授
將作大匠封天水郡公坐損金仙玉真二觀夫匠為實懷貞謂
議待罪求去不許懷貞誅拜御史大夫累遷戶工二部尚書致
仕卒年七十七贈黃門監諡曰簡生平前後歷十三郡皆以清
最著聞時論稱之

李傑本名務光相州陰陽人後魏并州刺史寶之裔孫少以孝
友著稱擢明經第解褐齊州參軍遷累天官員外郎明敏有吏
材甚得時譽任山南採訪使時戶口趙蕩棄力兼并綱屬下戶
乃為設科條防檢亡匿區處得宜復業者十七八神龍中轉衛

尉少卿河東巡祭黜陟使課最諸道先天中進陝州刺史始置
水陸發運使以傑為之開元初改河南尹勤於聽斷行坐食飲
不為少廢官無留事人吏受之有寡婦告子不孝使人迹之出
與一道士語逮捕按問得其姦杖殺之郡稱神明舊廢梁公塚
不治漕運艱阻調汴鄭丁男役作事不費而利入民獲其便俄
代宋璟為御史大夫將劾京兆尹崔日知貪暴不法反為所構
侍御史楊瑒廷奏糾彈之司若遭恐脅以成姦人之謀御史臺
固可廢矣上以其言切直令傑依舊視事貶日知歙縣丞尋以
謫作橋陵封武威縣子坐引監護判官王旭賊敗出為衢州刺
史遷揚州大都督府長史卒贈戶部尚書

鄭惟忠宋州宋城人第進士補井陘陽陰二尉天授中應制舉
召見延中武后問何事為忠對曰外揚君之美內正君之惡后
弘簡錄 卷之四十一

善之擢左司禦曹參軍遷水部員外郎后幸長安命待制加
朝散大夫遷鳳閣舍人中宗立擢黃門侍郎時議禁嶺南酋不
得畜兵惟忠奏謂善為政者必因其俗恐禁之反擾遂止進大
理卿節愍太子兵敗守衛註誤皆已流遣諸韋黨復請加誅帝
欲改議惟忠奏失信天下且反側不自安遂令百司參論卒不
易全貨為多俄拜御史大夫持節賑給河北道許黜陟守宰還
奏稱旨封榮陽縣男開元初遷禮部尚書轉太子賓客卒贈太
子少保

許景先義興人曾祖緒武德時佐命有功歷左散騎常侍封真
定公遷家洛陽景先登進士釋褐夏陽尉神龍初獻報慈閣賦
擢左拾遺累給事中開元初賜禁衛射物屬於儉府庫不充奏
以古制不存典章多闕既不足以觀德又未足以威遠耗國損

人且為不急。眾官既多。鳴鏑亂下。以荷獲為利。偶中為能。素無五善之容。頗失三驅之禮。近河南北水涉處多漂毫。兩州俱遭旱。樹林胡小。蕭見寇。郊壘不。斷軍書。願待寇寧。歲稔。率由舊章。官過切直。外補滑州司士參軍。復中平。筆後拔茂才。異等二科。轉揚州兵曹參軍。還為左補闕。宋璟為相。擢殿中侍御史。按不避近。溫俄轉中書舍人。知制誥。文詞雅厚。張說常曰。許舍人文雖乏。峻。峯。激。流。絕之勢。然多。豐。美。得。中。和。之。氣。足。稱。一。時。之。秀。十年伊汝溢。因說源乾曜公。方任元。初。災。肯。所。降。宜。發。德。音。遣。大。臣。存。問。失。職。罪。已。引。咎。以。答。天。譴。乾。曜。遠。白。遣。陸。象。先。持。節。展。贖。進。吏。部。侍。郎。十。三。年。帝。自。擇。十。一。人。治。行。以。景。先。任。就。州。兵。部。侍。郎。鄭。溫。琦。邠。州。大。理。少。卿。袁。仁。敬。杭。州。鴻。臚。少。卿。崔。志。廉。襄。州。衛。尉。少。卿。李。昇。期。邢。州。太。僕。少。卿。鄭。放。定。州。國。子。司。業。蔣。挺。湖。州。左。衛。將。軍。裴。觀。滄。州。衛。率。崔。誠。遂。州。皆。為。刺。史。詔。辛。和。諱。王。御。史。以。上。祖。道。洛。濱。奏。太。常。樂。盛。具。舳。舳。水。幕。命。高。力。士。賜。詩。帝。親。書。且。給。紙。筆。令。自。賦。齊。紉。三。千。遺。之。後。徙。岐。州。復。為。吏。部。侍。郎。卒。

潘好禮。貝州宗城人。自少與同鄉孟溫禮為莫逆交。擢明經。遷上蔡令。治最擅。監察御史坐小累。復除芮城令。拜侍御史。徙岐王。府司馬。居後母喪。固辭。奪服。不出。開元初。為邢王府長史。從王刺滑州。為府司馬。知其州事。王御下不肅。仍令檢督。凡過失。皆上聞。王好游觀。諫。諭。禁。切。復。農。月。出。獵。遮。道。諫。不。從。臥。于。馬。下。呼曰。禾苗在田。王何得非時暴殄。以損下人。要先踐殺司馬。然後聽所為。王慙。為還。還豫州刺史。勤力于治。清廉無所私。然喜察細事。下吏雖憚其嚴。亦厭其尅復。以公累徙溫州。別駕卒。

為人博學能論議。節行修整。無所傾附。未嘗自列。階勤居室。服用粗陋。形骸若土木。世謂近名。

倪若水。字子泉。恆州藁城人。擢進士。累遷右臺監察御史。勦陟劔南道。繩舉嚴允。奏課第一。開元初。歷中書舍人。尚書右丞。出為汴州刺史。政尚清淨。人吏安之。增修孔廟。與學。廩。勸。勵。生。徒。身。為。教。誨。風。化。興。行。士。人。稱。詠。不。已。會。道。中。人。於。南。方。捕。鵲。鵲。鷄。上。言。農。方。壯。婦。方。蠶。輒。於。此。時。捕。奇。禽。怪。羽。為。園。築。之。玩。自。江。嶺。而。南。達。于。京。師。水。運。陸。齋。所。飼。魚。蠶。稻。梁。下。民。爭。以。賤。人。貴。鳥。為。常。常。聞。往。聖。以。鳳。凰。為。凡。鳥。麒麟。為。凡。獸。此。等。有。何。可。愛。帝。手。詔。褒。答。悉。放。所。玩。詭。譏。內。使。賜。帛。四。十。段。時。天。下。久。平。朝。廷。尊。榮。人。皆。重。內。任。自。以。常。任。網。轄。雖。擢。方。面。猶。謂。下。遷。適。班。景。偕。自。揚。州。採。訪。使。入。為。大。理。少。卿。過。汴。餞。之。郊。外。顧。左。弘。簡。錄。卷。之。四。十。大。唐。官。唐。一。

右曰。班公是行若登仙。然吾恨不得為騶僕。未幾入為戶部侍郎。七年復授右丞。卒。韋恆與弟濟宰相。嗣立之子恆。開元初。為陽山令。政尚寬惠。吏民愛之。值上東巡。州縣供張。皆鞭朴。趣辦。恆不立威。而事給。姑子。宇。文。融。為。御。史。中。丞。薦。其。有。經。濟。才。讓。以。已。位。擢。殿。中。侍。御。史。歷。度。支。員。外。左。司。郎。中。太。常。少。卿。給。事。中。隴。右。道。黜。陟。使。至。河。西。勅。奏。節。度。使。蓋。嘉。運。恃。托。中。助。橫。恣。不。法。妄。列。功。狀。人。不。堪。懼。由。是。威。令。大。著。後。終。陳。留。太。守。濟。早。有。時。望。從。容。雅。度。初。調。鄆。城。令。玄。宗。試。理。人。策。擢。居。第。一。轉。禮。泉。令。以。簡。易。臨。政。民。庶。安。之。由。庫。部。員。外。四。遷。戶。部。侍。郎。轉。太。原。尹。修。飾。政。事。著。先。德。詩。四。章。述。祖。思。謙。伯。承。慶。及。父。之。行。人。稱。典。懿。天。寶。中。改。河。南。尹。入。為。尚。書。左。丞。三。世。居。是。職。衣。冠。榮。之。後。終。馮。翊。太。守。

子與夏縣令亦以能政聞

李惠登營州柳城人爲平盧軍神將祿山亂從董秦泛海略定
滄棣等州輕兵遠關賊不能支復陷史思明以計挺身走山南
依節度使來瑱表試金吾衛將軍李希烈反屬以兵二千使屯
隋州惠登率州以歸卽拜刺史州數被亂原野閑曠寂無人居
復辭定業惠登素淳朴不知學問然能視人所利行之所害去
之率心所安貽與古合凡居二十年田畝墾闢戶口日增人歌
舞之始升隋爲上州節度使于頃狀其績詔加御史大夫俄檢
校國子祭酒卒贈洪州都督

蕭定字梅臣宰相瑒曾孫父恕號州刺史定以蔭起授陝州叅
軍轉金城丞吏事清幹黜陟使裴遵慶奏爲選補判官回改萬
年主簿累遷侍御史考功員外左右二司郎中爲元載所擠出
弘簡錄 卷之四十一 九 唐書

爲秘書少監兼袁州刺史歷信湖宋睦潤五州刺史所蒞咸有
政聲大曆中有司條天下牧守課績理行以爲第一其勳農桑
均賦稅逃亡歸復戶口增加定又冠焉尋遷戶部侍郎至太常
卿朱泚反變姓名藏匿里間事平首蒙旌擢除太子少師卒年
七十七贈太子太師

崔曜博陵人素以士行聞蒞職清謹累官至澧州刺史下車削
去煩苛居二年風化大行人便安之流亡襁負而至增戶數萬
所司以聞詔特進五階至銀青光祿大夫以寵異政大曆中遷
渾州刺史兼御史中丞湖南都團練觀察使到官政尚簡肅恭
守禮法將吏自經時艱習於寬弛多不奉法曜稍以禮法繩之
恆懷隱怒會別將臧玠與判官達奚覲忿爭殺覲曜聞難惶懼
走遇害代宗悼惜之

孫成字思退父述別傳成初蔭補雲陽尉歷監察殿中侍御史
代宗時轉屯田員外郎長安令遷倉部郎中京兆少尹出爲信
州刺史有惠政歲旱發廩以賤直售民饑而不害反增戶五千
詔書褒美郡人立碑頌德徙蘇州改桂管觀察使卒生不通經
術奏議據正性復友悌間兄宿有疾不待報輒往華州存視上
聞不加責及喪弔者至不易緘而見客疑之答曰緘者古居喪
常服去之則廢喪其爲誼若此子公器官亦至邕管經略使
羅珣會稽人父懷操珣寶應初詣闕上書授太祝署曹王阜江
西荆襄節度幕府累至副使阜卒軍亂劫府庫珣斬首惡十餘
人以徇環棘廷中俾投所劫庫物一日皆滿乃貫餘黨名爲奉
天令中官出入犯禁悉皆屏息擢廬州刺史下令變民俗尚淫
祠棄醫藥復修學官政教簡易有芝草生其庭白雀來巢淮南
弘簡錄 卷之四十一 十 唐書

節度杜佑上其治狀賜金紫再遷京兆尹請減平糶半以常賦
充之人賴其利以老病求解徙太子賓客累封襲陽縣男卒諡
曰夷 子讓字景宣文學有譽舉進士宏辭賢良方正皆高第
爲咸陽尉父喪幾毀滅服除布衣獨傲不應辟署十餘年淮南
節度李鄴卽所居致請除監察御史轉殿中侍御史歷尚書郎
遷福建觀察使兼御史中丞有仁惠名或以婢遺問所從慘然
歸之入爲散騎常侍拜江西都團練觀察使兼御史大夫卒年
七十一贈禮部尚書子劬京字子峻從子劬權字昭衡皆登進
士有名于時
薛珣字溫如河中寶鼎人祖寶亂邠州刺史父紘蒲州刺史珣
少以門蔭爲懿德太子廟乾靈臺并昭應皆爲令清白若聞課
最第一遷楚州刺史本州營田使初至奏獨宰相遙領俸給百

餘萬戶役三千戶為觀察使所嫌誣授峽州刺史轉陳州建中初黜陟使李承趙贊盧翰連稱其簡廉清肅進階中散大夫賜金紫劉玄佐表授汴宋行軍司馬兼御史大夫李希烈走還即拜汴州刺史遷河南尹入為司農卿時詔舉堪任刺史縣令者欲校以文詞班固曰求良吏不可責文學宜體上愛人之心為本延問人間疾苦吏治得失宰相多其計所用皆稱職遷京兆尹司農供三宮需茹不足請市京兆珽使萬年令韋彤禁鬻寶德宗怒奪二人俸坐善寶參政太子賓客出為嶺南觀察使卒年七十四贈工部尚書為人剛嚴曉法勤身勸下然好苛察無經術大體子存慶字嗣德登進士歷御史尚書郎遷給事中與韋弘景並執封駁時稱其直穆宗令宣慰幽州劉總至鎮州疽發背卒贈吏部侍郎

弘簡錄

卷之四十

主 唐 官 唐

裴向字儵仁宰相建慶子初蔭補太子司議郎建中初同州李紱奏署判官李懷光叛紱奔奉天向領州務懷光遣將趙貴築壘於同脅吏督役不及期將斬以徇民皆駭散向獨詣壘開諭貴乃降同賴不陷皆其力也累為樞密南令奏課皆第一權戶部員外郎遷授太原少尹擢行軍司馬兼御史中丞歷河東節度副使同州防禦使觀察使入為大理卿拜左散騎常侍以吏部尚書致仕卒年八十贈太子少保生平歷官仁愛推利及人能以學行持門戶內外親屬百口均以祿俸世稱孝睦子寅登進士官累御史大夫孫樞

韋丹字文明萬年人周大司空孝寬六世孫高祖現為太子承乾洗馬太宗知其善諫擢給事中高宗在東宮復為中舍人封武陽縣侯孝敬時至右中護終於詹事贈秦州都督諡曰貞丹

登孤從外祖顏真卿學以蔭讓庶兄入常閑山事從父能舉五經高第歷成陽尉張獻甫表佐邠寧幕府遷殿中侍御史順宗為太子召為舍人拜司封郎中往弔新羅國君故事賈州縣十官取貨以充私覲丹具疏寧取于上無寧買官受錢詔有司給與因著為令還為容州刺史仁化大行教民種茶樹麥服勞耕織止惰游興學校民貧自鬻者贖歸之禁吏不得掠為緣久之名為諫議大夫有直聲憲宗詔到闕使代李康為劍南東川節度使至漢中言康守禦方盡力不可易召還拜晉慈恩三州觀察使封咸陽郡公闕歲徙江南西道在職計口受俸委餘於官罷八州冗食者收其財教民陶冶度材於場不取贏利人能為屋者官授村瓦逃未復者代以營之貧不能償則畀而免且身往勸督歲旱募人就功因得受直復置南北營以舍軍東西

弘簡錄

卷之四十

主 唐 官 唐

開衙七里以廢倉為新廐馬息不死築堤扞江長十二里疏以實凡為陂塘五百九十八所灌田萬二千頃有吏主倉十年為權吏所奪覆其糧悉召諸吏約與免罪期一月還之無敢違卒年五十八宣宗讀元和實錄見丹政事卓然語宰相先朝治民孰為第一周墀對臣嘗守江西韋丹有大功德被八州歿四十年老幼思之不忘乃詔觀察使紇于衆勸功于碑 子宙廩調河南司錄參軍表李珣河陽幕府宣宗拜侍御史三遷度支郎中為太原盧鈞節度副使時回鶻入塞剽殺吏民令往講諭自定襄至雲中視亭障增守卒約吏不得擅侵諸戎於是三部六蕃酋豪信悅召拜吏部郎中出為永州刺史州方災歛盡斥官下供應什物轉為市糴俗多觸罪不知法戶給律書并生理種植之宜先期擬定十家相保省督戰吏又剝常生倉以待饑乏

罷冗役九百四十四員歲苦貢零陵香為奏停之民乏牛力為
號壯月會其錢探名得者先市以為準復立學宮教仕民子弟
俾俗婚姻出財會眾號破酒少年擊鼓聚入民家為辦具號起
盆喧呼頑固一切禁之還為大理少卿久之拜江西觀察使政
復簡易父子能世其家遷嶺南節度使南詔陷交趾撫兵積備
以幹濟聞如檢校左僕射同中書門下平章事以弟岫女妻小
後封謙後生二子卽南漢隱帝岫字伯起為泗州刺史亦有
名虛擢初應舉貌陋謂必大用後果執政擢福建觀察使
世戎字可大宰相玄暉從孫祖嬰鄧州刺史父貞固檢大令戎
舉明經補太子校書郎書判入等調藍田簿辟淮南李鄴府憲
宗稱其才代者衛次公倚重之又署裴度太原節度叅謀王承
宗叛令單車往諭至泣下聽命入為殿中侍御史累吏部郎中
弘簡錄 卷之四十 三 唐 李鄴府一

陳議大夫雲南蠻寇成都詔持節兩川宣撫奏罷稅外蕞芋錢
當賦者率三分一準給布優其估以厚民緩招流亡凡所廢置
公私莫不便之還拜給事中駁奏為時所稱未幾出為華州刺
史故事私用錢日萬緡咸不取會徙充海沂密觀察使臨行曰
毋重燭激以夸後乃以享軍人恩惜權舒取其靴以去至充
鉅減姦吏十餘輩民大喜歲餘卒年五十五贈禮部尚書子雍
平順中山起居郎出為和州刺史以不能抗龐勛賜死

馬總字會元扶風人系出伏波裔少孤不妄交游長性剛直優
於理道貞元中辟署滑州姚南仲幕府監軍薛盈珍誣南仲不
法貶總泉州別駕盈珍入掌樞密福建觀察柳冕希意欲誅之
賴同事薛戎移贊保護得免徙恩王傅元和初遷虔州刺史四
年兼御史中丞充安南都護兼經略使在任廉清不撓政事嘉

美悉用儒術以教其俗仍建銅柱於漢故處創著唐德裔安
之就賜金紫徒柱管經略觀察使入為刑部侍郎裴愛宜慰淮
西奏為副使兼御史大夫吳元濟貪留掌彰義後事蔡久陷賊
人習偽惡有蠻貊風為設教令明賞罰磨治洗汰俗始一變奏
改彰義為淮西就拜節度使踰年徙忠武充華州防禦鎮國軍
使李師道平析郛曹濮等為一道賜號天平軍復除觀察使及
劉總上南鎮地徙鎮天平穆宗召總還將大用之劉總旋卒復
詔還鎮加檢校左僕射郛人附賴之二年入為戶部尚書生平
沈毅篤學有大臣風雖吏事倥傯弗不去前論著頗多卒贈右
僕射諡曰懿

薛戎字元大河中寶鼎人少有學術不求聞達居毗陵之陽羨
山年餘四十操常不改江西李衡辟為觀察從事使者三返方
弘簡錄 卷之四十 唐 薛戎一

應故相齊映代衡復留署職府罷歸山又赴柳冕辟轉殿中侍
御史權領泉州事以不從誣構馬總反列冤狀冕怒將戎罪拘
於佛寺環兵脅守恣其侵辱併誘總罪竟不為動淮南杜佑知
其冤為上表會冕死方解辭職寓居江湖閩濟美代冕備聞其
事奏克副使又隨移鎮浙東改侍御史入拜刑部員外郎出為
河南令歷衢湖常三州刺史浙東觀察使以疾辭官年七十五
卒贈左散騎常侍生平檢身處約俸入之餘悉散宗族所蒞不
尚約束施名譽有善悉歸之所部故居任時無灼灼可驚者已
去則思之身歿之後人亦無譏

閩濟美為人謹厚長者登進士累歷臺省貞元末歷婺潤二州
刺史累福建浙西觀察使所至以簡濟為理兩地之人常賦之
外不知其他常以家財進奉憲宗初入拜右散騎常侍時詔令